

ԿՐԹԱԳԻՏԱԿԱՆ

ԱՐՓԻՆԵ ՉԱՆԹԻԿՅԱՆ

ՆԵՈԹՈՄԻԶՄԸ ԺԹ-Ի ԴԱՐԵՐՈՒՄ

ԺԹ-Ի դարերում ձևավորված փիլիսոփայական և գիտական նոր ուղղությունները ձգքում էին հարված հասցնել աստվածաբանությանը և կրոնին: Այս հանգամանքը սպիտակեց կաթոլիկ աստվածաբաններին մրաժեկու կրոնական փիլիսոփայությունը զարգացնելու մասին: Անհրաժեշտ էր ձևավորել մի այնպիսի համակարգ, որը ներառերով զարգացող բնագիտական և հումանիտար գիտությունների արվյալներն ու փաստարկները՝ կապարասխաներ ժամանակի առաջադրած հիմնահարցերին:

Դեռևս 1870 թ. ապրիլի 21-ին Վաթիկանի առաջին պիեզերաժողովն ընդունեց «Կաթոլիկյան հավարքի դավանական սահմանադրություն»-ը¹: Վաթիկանի կողմից խրախուսվող աստվածաբանները եռանդուն կերպով ձեռնամուխ եղան նեոսխոլաստիկայի մշակմանն ու փարածմանը: Սակայն բռնկվեց Ֆրանսիական պապերագմը և Վաթիկանի պիեզերաժողովի աշխատանքները ընդհարվեցին²:

Լեոն XIII պապը 1879 թ. օգոստոսի 4-ին հանդես է գալիս «Aeterni Patris» կոնդակով և նեոթոմիզմը հռչակում կաթոլիկության պաշտոնական փիլիսոփայություն՝ ներդաշնակ քրիստոնեական դավանաբանությանը: Այս կոնդակով Թ-ովմա Աթվինացին հռչակվում է «կաթոլիկ ուսումնական հաստատությունների հովանավոր, մեծ մրաժեկու և ուսուցիչ»³: Լեոն XIII պապը կոչ է անում աստվածաբաններին ներշնչվել Թ-ովմա Աթվինացու փիլիսոփայությունից, զարգացնել նեոթոմիզմը և հասնել նոր հիմնախնդիրների լուծմանը: Ըստ Չ. Կոպոլստոնի սխալ է կարծել, թե Լեոն XIII պապն է հիմնադրել նեոթոմիզմը, այլ պետք է ընդունել, որ նա նոր և հզոր ազդակ հաղորդեց այս ուղղության զարգացմանը⁴: Աստվածաբանության համար թոմիզմի վերածնունդը պարմական նշանակություն ուներ, քանզի մրավոր, փիլիսոփայական այս շարժումը ուղղված էր կաթոլիկության և առհասարակ քրիստոնեական դավանաբանության պաշտպանությանն ու հիմնավորմանը: Այս խնդրում, ըստ Դեզիրե Մերսիեի, հենց Լեոն XIII պապն էր, որ ճիշտ ուղղություն հաղորդեց նեոթոմիստական փիլիսոփայական համակարգին: Իսկ Էրիկեն Ժիլսոնը նշում է, որ Լեոն XIII պապը իր ժամանակի նշանավոր փիլիսոփաներից էր⁵:

«Aeterni Patris» կոնդակով կաթոլիկության առջև խնդիր դրվեց՝ ուսումնական հաստատություններում վերականգնել քրիստոնեական փիլիսոփայության դասավանդումը: Ներաբրբություն է առաջանում նաև միջնադարյան փիլիսոփայության նկարմամբ,

1 St'ն «Христианство», том I, Москва, 1995, էջ 345:

2 St'ն անդ, էջ 347:

3 James Hastings, Encyclopedia of Religion and Ethics, vol. 7, Edinburgh, 1964, p. 892.

4 St'ն Փ. Չ. Կոպոլստոն, Ակվինատ, Москва, 1999, էջ 250:

5 St'ն Ք. Քալեւ, Критика неомизма, Москва, 1975, էջ 410:

գրվում են նորանոր աշխարհություններ: Փիլիսոփայության պարամության համար նոր փուլ է սկսվում. ոչ միայն ձևավորվում է նեոթոմիզմը, այլ նաև մշակվում են նոր սկզբունքներ ու մոտեցումներ⁶:

Պեպք է նշել, որ թեև նեոթոմիզմը սերտորեն աղերսվում է կաթոլիկությանը, բայց ուղղակիորեն կաթոլիկ դավանաբանության մաս չի կազմում և բավականին արժեքավոր փիլիսոփայական համակարգ է՝ խորաթափանց հայացքներով և սկզբունքային դրույթներով: Նեոթոմիստ Կեսարանները մերժեցին այն թյուր կարծիքը, թե արդի գիտական առաջընթացը ցույց է տալիս, որ բնագանգական (մեթաֆիզիկական) փիլիսոփայությունը և թոմիզմը արդեն վաղուց հնացած համակարգեր են⁷: 1880 թ. Բեյզիայում՝ Լուվենի կաթոլիկյան համալսարանում, հիմնադրվում է փիլիսոփայության հասույթ (թոմիստական) ամբիոն, որը գլխավորում է Դեզիրե Մերսին (հետագայում կարդինալ)⁸: 1893 թ. այդ ամբիոնը վերափոխվում է փիլիսոփայական համալսարանի, որը գործում է մինչ օրս և նեոթոմիզմի կրթական գլխավոր օջախներից է: Նշանավոր աստվածաբան և փիլիսոփա Դեզիրե Մերսինն նշում է, որ աստվածաբանությունը չպետք է հակադրել գիտությանը, հավաքք՝ ճանաչողությանը. մեր ճանաչողությունը սկսվում է զգայական ընկալումներով, իսկ բնագանգական հիմնադրույթները հենվում են աշխարհի ճանաչողության վրա: Մեթաֆիզիկային հենակերպ է հանդիսանում գիտական ճանաչողությունը: Դեզիրե Մերսինն մեծ ներդրում ունի նեոթոմիզմի ձևավորման և զարգացման գործում. նրա աշխարհություններից են՝ «Տրամաբանություն», «Ընդհանուր մեթաֆիզիկա և Էություն» և այլն⁹: Վերոնշյալ աշխարհություններում հեղինակը հստակ սահմանազատում է մասնավոր գիտությունները փիլիսոփայությունից. գիտությունը փորձում է բացատրել էմպիրիկ (փորձնական) իրականությունը, իսկ փիլիսոփայությունը, օգտագործելով վերջինիս ձեռքբերումներն ու ընդգրկելով ավելի հիմնավոր սկզբունքներ, տալիս է այդ իրականության ընդհանրական և առավել կարգադրող մեկնաբանությունը¹⁰: Այսպես՝ կենսաբանության և հոգեբանության արդի հայտնագործությունները օգտագործվում են հոգու գոյության հիմնահարցը լուսաբանելու համար: Դեզիրե Մերսինն ընդգծում է, որ այնուամենայնիվ բնագանգության սկզբունքային դրույթները անկախ են գիտական հիպոթեզներից: 1894 թ. Դ. Մերսինի գլխավորությամբ լույս է տեսնում նեոթոմիստական բովանդակությամբ ամսագիր¹¹:

«Դավանաբանական սահմանադրությունից» և «Aeterni Patris» կոնդակից բացի նեոթոմիզմի մյուս կարևորագույն պաշտոնական փաստաթուղթը «Թոմիստական քաննչոք թեզիսներ»-ն են, որոնք հրապարակվում են Պիոս X պապի կարգադրությամբ 1914 թ. հուլիսի 27-ին: Այս թեզիսներում ձևակերպված են նեոթոմիզմի սկզբունքային հիմնադրույթները ըստ դրա բոլոր բաժինների՝ բնագանգության (մեթաֆիզիկա), տիեզերաբանության (կոսմոլոգիա), գոյաբանության, մարդաբանության (անթրոպոլոգիա), էաբանության (օնոլոգիա), աստվածաբանության (թեոլոգիա)¹²:

6 Տե՛ս անդ, էջ 411:

7 Տե՛ս Pawl Edwards, The Encyclopedia of Philosophy, vol. 5, New York, 1972, էջ 476:

8 Տե՛ս Փ. Կոպոլստոն, Аквинат, Москва, 1999, էջ 252:

9 Տե՛ս Ք. Քալեզ, Критика неомизма, Москва, 1975, с. 118.

10 Տե՛ս J. Hastings, Encyclopedia of Religion and Ethics, vol. 9, 1964, էջ 320:

11 Տե՛ս Ք. Քալեզ, նշվ. աշխ., Москва, 1975, էջ 119:

12 Տե՛ս J. Hastings, նշվ. աշխ., vol. 9, 1964, էջ 322:

Նեոթոմիստ փեսաբանների ուշադրությունն առաջին հերթին սևեռվում է գիտության և աստվածաբանության, հավաքի և բանականության հաշվեցման խնդրի վրա: Ամբողջ նեոթոմիստական մտածողության անկյունաքարը հավաքի և բանականության ներդաշնակ միասնության կանխադրույթն է¹³. կրոնական հավաքը և բանական ճանաչողությունը չեն բացառում, այլ ճիշտ գործածության դեպքում լրացնում են միմյանց: Դրանք հակոպրյաներ չեն, այլ՝ միեւնույն նպատակին փանդող երկու ճանապարհներ¹⁴: Նավարքի աղբյուրը աստվածային հայրությունն է, և անմիջականորեն այս աղբյուրից ձեռք բերված ճշմարտություններն անպայմանական են, բացարձակ: Ծանաչողության աղբյուրը մարդկային զգայություններն ու բանականությունն են, որոնք թեև անկատար են, բայց պետք է չանտեսվեն: Ե՛ր հավաքը, ե՛ր գիտությունը ձգտում են միեւնույն նպատակին. «Փիլիսոփայությունն ու աստվածաբանությունը երկու ուղղություններ են՝ մարդուց դեպի Աստված և Աստծուց դեպի մարդ», - նշված է «*Humani generis*» կոնդակում¹⁵: Նեոթոմիստական իմացաբանությունը հակադրվում է սկեպտիցիզմին, պոզիտիվիզմին, սուբյեկտիվ իդեալիզմին: Նեոթոմիզմն ընդունում է մարդուց անկախ գոյություն ունեցող օբյեկտիվ իրականությունը և բանականության՝ ճշմարիտ և արժեքավոր ճանաչողությանը հասնելու կարողությունը: Իմացաբանական խնդիրներ են քննարկվել Մ. Մարեշալի «Մետաֆիզիկայի երակերը» աշխատության մեջ, որը կրում է կանյան փիլիսոփայության ազդեցությունը¹⁶: Իսկ նեոթոմիզմի հայրնի գործիչ Էրիկեն Ժիլսոնը նշում է. «...պետք է ընդունել, որ բանականությունը կարող է հասնել իրականության ճշմարիտ և համարժեք ճանաչողության, և բնագանցությունը պետք է երակեր ունենա այս հիմնադրույթը»¹⁷:

Տեսաբաններն արժարժում են նաև նեոթոմիզմի և մյուս փիլիսոփայական համակարգերի փոխհարաբերության հիմնահարցը: Կլայգենն իր «*Theologie der Vorzeit*» հինգ հատորանոց աշխատության մեջ կանխատեսում է նաև արդի փիլիսոփայական ուղղությունների նկատմամբ նեոթոմիզմի դիրքորոշումը, ինչն ավելի ուշ իր արդահայրությունն է գրնում Ժակ Մարիպենի «Նակաարդիականություն» մանիֆեստում¹⁸:

Անհիմն է այն փեսակերը, ըստ որի նեոթոմիզմը պարզապես նույնությամբ ներկայացրել է Թովմա Աքվինացու փիլիսոփայությունը, բանգի նոր հիմնահարցերը նեոթոմիստներից բոլորովին այլ մոտեցումներ էին պահանջում: Իսկ բնագանցության վերաբերյալ նեոթոմիզմի փեսակերը հերքելային է. «Ճիշտ չէ կարծել, թե մետաֆիզիկական և գիտությունը հոմանիշներ են, և եթե գիտությունն առաջընթաց է ապրում, փոփոխվում է, ապա մետաֆիզիկական էս պետք է փոփոխություններ կրի: Մետաֆիզիկական անդրադառնում է օբյեկտիվ աշխարհի իրերին ու երևույթներին, որոնք ուղղակիորեն համարվում են «գոյավորներ»՝ էությամբ անփոփոխ մնացող, անկախ այն բանից, թե գիտականներն ինչպիսի հայրնագործություններ են կատարում և ինչ նոր փեսություններ են առաջադրում»¹⁹: Անժխտելի է, որ բնա-

13 Տե՛ս **В. И. Гаралжа**, Неотомизм-разум-наука, Москва, 1969, էջ 20:

14 Տե՛ս «Христианство», Москва, том 3, 1995, էջ 132:

15 **Р. Ралев**, նշվ. աշխ., с.18.

16 **Ф. Ч. Кополстон**, Аквинат, с.256.

17 Տե՛ս **В. И. Гаралжа**, Неотомизм-разум-наука, Москва, 1969, էջ 42:

18 Տե՛ս **Ф. Ч. Кополстон**, նշվ. աշխ., էջ 254-258:

19 Տե՛ս **J. Owens**, St. Thomas and the Future of Metaphysics, Milwaukee, 1957, էջ 19:

զանցությունն իր քննարկումներն ու մեկնաբանությունները պետք է հարմարեցնի արդի մարածողությանը և աշխարհայացքին՝ իր էությունը նույնությամբ պահպանելով: Այսպես՝ Թոմաս Աքվինացու առաջադրած «Աստվածային Կեցության գոյության ապացույցներ»-ը ժամանակի ընթացքում համարվեցին պարմական, հոգեբանական, ընկերաբանական և այլ ապացույցներով²⁰: Ֆ. Գ. Բրեդլին փաստում է, որ Աստծո գոյության ապացույցները ոչ թե փորձնականից (էմպիրիկ) անդրանցականին (տրանսցենդենտ), վերջավորից հավերժականին անցման թռիչք են, աստվածաճանաչողությունն ակնհայտ դարձնող միջոցներ են. քանզի դրանք ընգծում են էմպիրիկ (փորձնական) իրականության այն իրողությունները, որոնք ուղեցույցի դեր են կատարում բնագանցական խորհրդածությունների համար²¹:

Կաթոլիկ փիլիսոփաները կարևորում են ընկերաբանությանը և քաղաքագիտությանը վերաբերող տեսակետների արդիականացումն ու վերամշակումը՝ արժեւորելով անհատի դերը հասարակական կյանքում: Այս բնագավառում մեծ է Ժակ Մարիտենի ներդրումը: Նա վերականգնեց ու առավել խորացրեց թոմասական ավանդույթները և քննարկելով արդի հասարակական-քաղաքական համակարգերը՝ արժեւորեց մարդկային կյանքի հոգևոր և բարոյական ոլորտները²²:

Չ. Կոպլոստոնը նշում է, որ նեոթոմիզմը օբյեկտիվ աշխարհի քրիստոնեական բացատրությունն է կամ այլ խոսքերով՝ քրիստոնեության կոնսերվատիվ էմպիրիկ իրականությունը գոյաբանական մակարդակում ըմբռնելու փորձ: Ըստ վերոնշյալ հեղինակի նեոթոմիզմը փիլիսոփայական ներդաշնակ համակարգ է, որը ներառում է և՛ էմպիրիկ, և՛ ռացիոնալիստական տարրեր²³:

Այսպես՝ նեոթոմիստները խորապես վստահում են բանականությանը, սակայն միևնույն ժամանակ ընդգծում, որ բանականության կարողությունները նույնպես սահմանափակ են. «Աստված իզուր չէ բանականության լույսով օժտել մարդուն: Սակայն, որպես վերջավոր էակի կարողություն, բանականությունն էլ վերջավոր և սահմանափակ է: Ազատ կամքով օժտված մարդու բանականությանը ամեն ինչ չէ, որ հասանելի և մաքսչելի է»²⁴:

Որոշ փիլիսոփայական ուղղությունների ներկայացուցիչներ մարմնակերպում են, որ թոմասական «հավերժական փիլիսոփայության» թեզիսը ինքնին բացառում է զարգացումը, առաջընթացը: Սակայն նեոթոմիստ տեսաբանները «հավերժական փիլիսոփայություն» ասելով նկատի ունեն, որ փոփոխվող և զարգացող իրերի աշխարհում մշտապես գոյություն ունեն փաստվող և հիմնավորվող բնագանցական հիմնադրույթներ²⁵: Բացի այդ, երբ նեոթոմիստ մարածողները պնդում են, թե թոմիզմը «հավերժական փիլիսոփայություն» է նրանք ամենևին չեն բացառում ճշմարտության հայտնաբերման, բացահայտման այն ուղիները, որոնք առաջարկում են մյուս փիլիսոփայական դպրոցների ներկայացուցիչները: Ըստ Չ. Կոպլոստոնի նեոթոմիզմը արդիական, ինքնարիտ հայացքների, գաղափարների, խորաթափանց սկզբունքային դրույթների համակարգ է, որն օգտագործում է գիտությունների նոր

20 Տե՛ս "Five ways; St. Thomas Aquinas' proofs of Gods' Existence", London, 1969, էջ 36:

21 Տե՛ս **Փ. Վ. Կոպլոստոն**, նշվ. աշխ., էջ 260:

22 Տե՛ս **P. Edwards**, The Encyclopedia of Philosophy, vol. 7, New York, 1972, էջ 110:

23 Տե՛ս **Փ. Վ. Կոպլոստոն**, նշվ. աշխ., էջ 264:

24 **В. И. Гаралжа**, Неотомизм-разум-наука, с.26.

25 Տե՛ս **Meyer Hans**, The Philosophy of St. Thomas Aquinas, Chicago, 1953, էջ 28:

տվայալներն ու հայրնագործությունները: Մական որպեսզի «հավերժական փիլիսոփայության» թեզիսը պահպաներ իր իմաստը, նեոթոմիստները պետք է անփոփոխ պահեին որոշ սկզբունքային դրույթներ և մտքեցումներ²⁶:

Նեոթոմիզմը փորձում է հաղթահարել նաև մարերիալիզմի և իդեալիզմի ծայրահեղ դրսևորումները: Այն բնութագրվում է որպես միասնական, քրամաբանորեն հիմնավորված և կայուն փիլիսոփայական համակարգ:

Նեոթոմիստ Կեսարաններն իրենց փիլիսոփայությունը սահմանում են «Կեցության և մարքի փիլիսոփայություն», բանգի վերջինս իր համակարգում ներառում է «անանց ճշմարտություններ», որոնք առաջնորդում են դեպի Նավերժական Է-ն: Նեոթոմիզմը զարգացնում է մեթաֆիզիկական և օնոթոլոգիան և այս իմաստով հանդես է գալիս որպես «Կեցության ու գոյի մասին փիլիսոփայություն»²⁷: Բնագանցությունը աստվածաբանության և փիլիսոփայության հիմքն է, որը փորձում է հասնել Կեցության բացահայտմանը: Ըստ Ժակ Մարի-Կրիստի, բնագանցությունը պետք է քարտեզիկ այսպես կոչված «բնության փիլիսոփայությունից», որի ուսումնասիրության առարկան բնագիտության ընդհանուր հիմնահարցերն են²⁸: Նա գրում է. «Մեթաֆիզիկական գիտական ճանաչողություն է, որը բանականության լույսի ներքո դիտարկում է բոլոր իրերի «առաջին պարզաբան»: Այն հասնում է «հավիարենական իրերի» բացահայտմանը, դիտարկում է Կեցության դրսևորումները»²⁹: Ինչպես Թոմաս Աքվինացին, նույնպես և նեոթոմիստները նշում են, որ ողջ բնագանցությունը փորձում է հասնել աստվածային Կեցության բացահայտմանը: Բայց, բանի որ Աստված դուրս է բնական, առօրյա փորձնականության սահմաններից, ուստի Աստված ինչ-որ չափով կարող ենք ճանաչել միայն դիտարկելով և ճանաչելով նրա արարչագործությունը: Այն պետությունը, թե աշխարհը ժամանակի մեջ սկիզբ ունի, պաշտպանվում է կաթոլիկ աստվածաբանների կողմից և լիովին համապատասխանում է գիտական նորագույն փաստարկներին: Ըստ նեոթոմիստ Կեսարանների, եթե նույնիսկ հնարավոր լիներ ապացուցել, որ աշխարհը ժամանակի մեջ սկիզբ չունի, սա ամենևին էլ չէր նշանակի, թե այն արարված, սրբաշնչված է: Քանզի իրերի աշխարհը կարող է միայն գոյություն ունենալ «բացարձակ, անհրաժեշտ Կեցության» շնորհիվ³⁰: Այն, թե աշխարհը սրբաշնչվել է «ոչնչից»՝ չի նշանակում, որ աշխարհն արարվել է «ոչնչից» հետո: Լուվենի համալսարանի հայրնի նեոթոմիստները մարտնչում են, թե նյութական կեցության ողջ բազմազանությունն արարվել է Աստծո կողմից արարված պոպեկցիալ նախահիմքից՝ «նախանյութից» հետո³¹: Այսինքն՝ աշխարհի սրբաշնչումը դեռևս արարչագործության սկիզբը չէ: Նեոթոմիստներն ընդգծում են նաև, թե ժամանակն ու քաղաքականությունն արարվել են նախքան նյութը և դրանից անկախ: Նեոթոմիստական մեթաֆիզիկայով և գոյաբանությամբ մերժվում է այն պետակերպը, ըստ որի մարերիան (նյութը) «հավիարենակից» է Աստծուն, և Արարիչը միայն նյութից ձևավորել է գոյություն ունեցող աշխարհը: Նյութը նա արարված է և ժամանակի մեջ սկիզբ ունի: Լևոն XIII պապի

26 Տե՛ս Փ. Չ. Կոպոլստոն, նշվ. աշխ., էջ 262-266:

27 Տե՛ս J. Owens, An Elementary Christian Metaphysics, Milwaukee, 1963, էջ 144:

28 Ք. Քալեզ, նշվ. աշխ., շ. 277:

29 J. Wippel, Metaphysical themes in Thomas Aquinas, Washington, 1984, p. 17:

30 Բ. Լ. Գյոման, Современная католическая философия, Москва, 1988, շ. 16-20:

31 Տե՛ս J. Owens, An Elementary Christian Metaphysics, Milwaukee, 1963, էջ 144-150:

«Aeterni Patris» կոնդակում նշված է. «...բոլոր իրերն արարվել են «ոչնչից» Աստծո ամենակարող գործությամբ, դրանք գոյություն ունեն Աստծո բանականության շնորհիվ և շարժման մեջ դրվում, ուղղորդվում են դրանցից յուրաքանչյուրի համար նախասահմանված նպատակին»³²:

Կաթոլիկ Եկեղեցին հսկայական ներդրում ունի ինչպես նեոթոմիզմի ձևավորման, այնպես և հեղափոխության գործում: Այսօր նեոթոմիզմը փարածված է աշխարհի շար երկրներում և մեծ հեղինակություն է վայելում: Կաթոլիկության և նեոթոմիզմի միջև գոյություն ունեցող սերտ կապն անժխտելի է, սակայն կան նշանավոր փիլիսոփաներ, որոնք իրենց քննադատություններով հարում են նեոթոմիզմին, բայց դավանանքով կաթոլիկ չեն:

Այսպես՝ հայ իրականության մեջ նեոթոմիստական քննադատություններն է հարում նշանավոր միաբան Շահան Պերպերյանը: Չնայած նա ինչ-որ չափով կրում է նեոթոմիզմի ազդեցությունը, սակայն առաջադրելով սեփական քննադատություններն ու սկզբունքները և փախուցելով դրանց հիմնավոր բացատրությունները՝ երբեմն նույնիսկ գերազանցում է նեոթոմիստական քննադատություններին: Շահան Պերպերյանը ճշմարտացիորեն նկատում է, որ Աստծո գոյության հիմնախնդիրը մշտապես հուզել է մարդկությանը: Այս հիմնախնդրի լուծմանը կարող ենք հասնել քիմիկոսի, աշխարհի, մեզ ընկալելի և հասկանալի բնական երևույթների և օրենքների ճանաչողության և դիտարկման միջոցով: Օբյեկտիվ իրականության մեջ բանականության միջոցով հայտնաբերում ենք այնպիսի իրողություններ, որոնք ստիպում են անդրանցնել փորձնական (էմպիրիկ) իրականությունը և խորհրդածել աստվածային Կեցության մասին³³: Այսպես՝ գիտության կողմից առաջադրված բարեշրջական (evolutionniste) քննադատությունը նա օգտագործում է Աստծո գոյությունը հիմնավորելու համար: Որոշ քննաբաններ պնդում են, թե բարեշրջական քննադատությունը հակադրվում է աստվածաբանությանը: Իսկ Շահան Պերպերյանը նշում է, որ այդ քննադատության միջոցով բացահայտվում է աշխարհում կյանքի աստիճանական զարգացումը, ինչպես և այն, որ այդ զարգացման զազաթնակները մարդ արարածն է: Այս ամենը ոչ թե մերժում, այլ հիմնավորում են արարչագործության մասին Աստվածաշնչում գրվածը³⁴: Իր «Բնագանցություն» գրքում Շահան Պերպերյանը ներկայացնում է Աստծո գոյության կրոնական, փիլիսոփայական, վախճանաբանական, անհատական փորձառության ապացույցները, որոնք մեկ անգամ ևս փաստում և հիմնավորում են քրիստոնեական դոգմաները: Մեր մեթոդը, ըստ Շահան Պերպերյանի, պետք է լինի աշխարհում որոշակի իրողություններին հեղուկ: Դրանք կարծես «ուղիներ» են, որոնց հետևելով անդրանցում ենք քիմիկոսի և անհրաժեշտորեն հանգում Բացարձակ Կեցության գոյությանը: Թեև Աստծո գոյությունը փաստող իրողությունները գտնվում և հայտնաբերվում են քիմիկոսի սահմաններում, սակայն վկայում են քիմիկոսից վեր գտնվող, անդրգոյ է-ի մասին, և կարծես թե Նրա «հեղեղներն» են իրերի աշխարհում³⁵:

ԺԹ-ն և Ի դարերից մինչ օրս նեոթոմիզմը զարգացել և կարարելագործվել է՝ ներառելով նորանոր մոտեցումներ և հիմնադրություններ: Նեոթոմիզմի համապարփակությունը բացատր-

32 В. Ражков, Очерки по истории римско-католической Церкви, Москва, 1999, с.81.

33 Տե՛ս Շահան Պերպերյան, Բնագանցություն, Բեյրութ, 1978, էջ 126:

34 Տե՛ս անդ, էջ 68-69:

35 Անդ, էջ 128:

վում է փիլիսոփայական արժեքավոր ժառանգության ընդգրկմամբ³⁶։ Դա ոչ թե ուսմունք է, որը ներառելով որոշակի սկզբունքներ՝ սահմանափակվում է հարցերի նեղ շրջանակով, այլ՝ փիլիսոփայական համակարգ իր բազում բաժիններով։ Այն համընթաց է գիտական և հասարակական զարգացմանը, հանդես է գալիս որպես «փիլիսոփայական բաց համակարգ», որը մշտապես գրավում է առաջընթացի մեջ և պարբերաբար է ընդգրկել գիտական նորագույն հայրնագործություններն ու րվյալները³⁷։

Կաթոլիկ Եկեղեցին հսկայական ներդրում ունի նեոթոմիզմի սկզբնավորման, հետագա զարգացման ու փարածման գործում³⁸։ Նեոթոմիստների առաջին կոնգրեսը հիմնադրվում է 1925 թ.։ Կաթոլիկյան ուսումնական հասարակությունների եռանդուն գործունեության շնորհիվ այն արագորեն փարածվում է աշխարհի փարքեր երկրներում։ Առավել ազդեցիկ գերմանացի նեոթոմիստը, որը Ի դարի առաջին կեսին շարունակեց Կալյուրգենի գործը, Մյունստերի և Ֆրայբուրգի համալսարանների պրոֆեսոր Յոզեֆ Նայգերն է (1869-1948 թթ.)։ Իր ուսմունքը Յոզեֆ Նայգերը Նուսետլի ոճով անվանել է «էդոլոգիա»³⁹։ Նեոթոմիզմը Գերմանիայում մեծ փարածում է գրնում հարկապես Երկրորդ աշխարհամարտից հետո։ Այս շրջանում էլ նեոթոմիստ նշանավոր գործիչները շարադրում են մի շարք արժեքավոր աշխատություններ՝ Մարտին Գրաբմանը գրում է երկու հատորանոց «Սխալասրիկական մեթոդի պարմություն»-ը, Յոզեֆ Ֆրիզը մեծ ներդրում է կատարում իմացաբանության բնագավառում՝ հեղինակելով «Միտք և կեցություն» աշխատությունը։ Այժմ Գերմանիայում նեոթոմիզմի փնտսական կենտրոնը Պուլախի դպրոցն է, որի անդամները գիտա-փիլիսոփայական աշխույժ գործունեություն են ծավալում⁴⁰։

Ֆրանսիայում՝ Փարիզում, Լիոնում, Տուրում նեոթոմիզմի փարածմանը նպաստում է Փարիզի կաթոլիկյան համալսարանը։

Իտալիայում նեոթոմիզմը փարածում են հեղինակավոր մարածողներ Ա. Ջեմելլին և Դ. Կապելլոնը։ Ապա Միլանի համալսարանի փիլիսոփայության պարմության պրոֆեսոր Ֆ. Օլոմպարին նոր ազդակ է հաղորդում նեոթոմիզմի հետագա զարգացմանը։

Նեոթոմիզմն առավել դժվարությամբ է փարածվում Անգլիայում, բրիտանական փիլիսոփայությունը հետաքրքրություն առաջացնում և փարածվում է հարկապես 1945 թվականից հետո, ինչն էլ կարելի է բացատրել հասարակական նոր փրամադրություններով⁴¹։

Նեոթոմիզմի մեթաֆիզիկական

Նեոթոմիստական փիլիսոփայական համակարգի էությունն առավել ընդգծված է նրա օնոլոգիայում (էաբանություն)։ Որոշ հիմնախնդիրների փրված ինքնություն լուծումներն ամբողջական պարկերացում են փալիս նեոթոմիզմի մասին։ Այս ուղղության ներկայացուցիչները պայքարում են հակամեթաֆիզիկական ձգքումների դեմ և հիմնավորում, որ մարդ-

36 Տնն **Р. Ралев**, նշվ. աշխ., էջ 130։

37 Տնն **P. Edwards**, The Encyclopedia of Philosophy, vol. 7, New York, 1972, էջ 111։

38 Տնն «Христианство», том.3, Москва, 1995, էջ 133։

39 Տնն «История философии», том.6, Москва, 1965, էջ 185։

40 **Р. Ралев**, Критика неотомизма, Москва, 1975, с.121-122.

41 Տնն «Փիլիսոփայության պարմության համառոր ակնարկ», Եր., 1979, էջ 918։

կությանն անհրաժեշտ է նոր փիլիսոփայական համակարգ, որի հիմնական բովանդակային խնդիրները կլինեն էաբանական և գոյաբանական հիմնահարցերը: Ըստ Ժակ Մարիտենի՝ մետաֆիզիկան ընդհանրական իմաստով հենց իմաստասիրությունն է: Մետաֆիզիկայից պետք է տարբերել այսպես կոչված «բնության փիլիսոփայությունը»⁴²: Մետաֆիզիկան ներառում է երկու բաժին՝ ընդհանուր մետաֆիզիկա և մասնավոր մետաֆիզիկա (Աստծո և հոգու գոյության մասին):

Դեռևս Թոմաս Աքվինացին ընդգծում էր մետաֆիզիկայի անկախությունը գիտական փորձնական դրույթներից: Այսպես՝ գիտական առաջընթացն ամենևին չի ժխտում Աստծո գոյության ապացույցները⁴³: Նեոթոմիստները սահմանափակում են մասնավոր գիտությունները մետաֆիզիկայից: Դա չի նշանակում գիտական տվյալների մերժում. յուրաքանչյուր մասնավոր գիտություն հերազդարարում է օբյեկտիվ իրականության այս կամ այն իրողություններ և դրանք ղեկավարող օրենքները, իսկ մետաֆիզիկան օբյեկտիվ աշխարհի իրերն ու երևույթները դիտարկում է գոյաբանական մակարդակում⁴⁴: Նախադրվելով Ռ. Ռադլի ծայրահեղ բննադարությանը՝ նշենք, որ նեոթոմիստական մետաֆիզիկայի «անփոփոխությունը» բացարկվում է էաբանության և գոյաբանության բովանդակային անփոփոխությամբ⁴⁵: Նեոթոմիստները մերժում են նյութի սուբստանցիոնալ ըմբռնումը՝ մատերիան համարելով կրավորական, արարչագործված. նրանց մետաֆիզիկայում գլխավոր տեղը զբաղեցնում է սուբստանցիայի (սուբստրատի իմաստով) միակության սկզբունքը, որով էլ հիմնավորվում է Աստծո գոյությունը:

Ժակ Մարիտենը գրում է, որ լավ փիլիսոփա լինելու համար պետք է ծանոթ լինել մետաֆիզիկայի պարմությանը: Նեոթոմիզմը փիլիսոփայական միտքն ուղղորդում է դեպի բնագանգական հիմնախնդիրները: Փիլիսոփայությունը ներկայացվում է որպես համապարփակ համակարգ, իսկ մետաֆիզիկան փիլիսոփայական մտածողության հիմքն է: Նեոթոմիզմը զարգացնում է մետաֆիզիկան կամ «կեցության փիլիսոփայությունը», ինչպես նաև օնոլոգիան ու գոյաբանությունը: Մետաֆիզիկայում որոշակիորեն տարբերակվում են ինքնին վերցրած «կեցությունը» (esse) և «գոյությունը» (ens)⁴⁶: Բացարձակ, անեղ, հավերժական կեցությունը հենց Աստվածն է, որից կեցություն են ստանում բոլոր արարված, վերջավոր իրերը: Բացարձակ Կեցության գոյաբանությունը միայն բանականությամբ հնարավոր չէ լիովին ճանաչել: Վարկականի առաջին փեզերաժողովի ձևակերպմամբ՝ «...այդ Կեցությունն աշխարհից տարբեր և անփոփոխ «ոգեկան սուբստանցն» է: Կեցությունն աստվածային սուբստանցի բուն էությունն է»⁴⁷: Նեոթոմիստական մետաֆիզիկան վերլուծում է «այն ինչ կա» և այս դեպքում լայնորեն օգտագործում է «էություն» (essentia) և «գոյություն» (existentia) եզրույթները: Այս երկարումն իմաստ ունի այն դեպքում, երբ վերաբերում է արարված, վերջավոր իրերին, որոնցում տարբերակվում և գոյորոգվում են «էությունն» ու «գոյությունը»: «Նուրավորը» (սոնստանցիան) ներկայացվում է որպես մի «էութե-

42 Տե՛ս J. F. Anderson, An Introduction to the Metaphysics of St. Thomas Aquinas, Chicago, 1953, չ. 28:

43 Տե՛ս Փ. Վ. Кополстон, Аквинат, Москва, 1999, էջ 78:

44 Տե՛ս P. Edwards, The Encyclopedia of Philosophy, vol. 7, New York, 1972, p. 111:

45 Տե՛ս P. Радлев, նշվ. աշխ., էջ 281:

46 Տե՛ս J. Owens, An Elementary Christian Metaphysics, Milwaukee, 1963, էջ 148:

47 “Христианство”, том 1, Москва, 1955, с. 348.

յուն», որը դեռ օժտված չէ գոյությամբ: Օժտված լինել «էությամբ», այսինքն՝ լինել այս կամ այն որոշակի իրը, նշանակում է լինել սահմանափակ, վերջավոր, լինել ոչ թե կեցություն որպես այդպիսին, այլ՝ մի որոշակի կեցություն: Եթե կեցությունը հասարարում է դրական (սպոզիտիվ) սկիզբը, ապա «էությունը» կեցության սահմանափակումն է⁴⁸: Իրերի աշխարհում եղած կեցությունն էապես քարքեր է աստվածային Կեցությունից, վերջինիս մեջ չկա «էության» և «գոյության» քարքերություն, քանի որ նրանում չկա կեցության սահմանափակում: Բացարձակ Կեցության մեջ «էությունն» ու «գոյությունը» միացած չեն մեկ ամբողջի մեջ ինչպես վերջավոր իրերում, այլ ի սկզբանե նույնական են⁴⁹:

Այսպիսով՝ նեոթոմիստական մեթաֆիզիկայի և գոյաբանության հիմքում ընկած է «առաջին, բացարձակ Կեցության» և նրանից ածանցյալ, նրա կողմից արարված «իրերի աշխարհի» ըմբռնումը: Փաստորեն, նեոթոմիզմը ընդունում է «ոգեկան Սուրբառնցի» գոյությունը, որը կապված չէ մարերիայի հետ և նյութական աշխարհի սահմաններից դուրս է գտնվում: Նշենք, որ որոշ նեոթոմիստ փիլիսոփաների՝ Պ. Լուրցի, Կ. Ֆարբոյի կարծիքով ոգեկան Կեցության՝ «բացարձակ կարարություն» մեջ արդեն թաքնված, «նախակերպավորված» է նյութական աշխարհի ողջ առարկայական բազմազանությունը: Իսկ նյութական աշխարհի շրջանակներում ոգեկանի և նյութականի փոխհարաբերության խնդիրը լուծվում է մեթաֆիզիկական հիլեմորֆիզմի (հին հունարենից բառացիորեն թարգմանվել է «հյուլեմորֆություն») սկզբունքով, որը նեոթոմիստական քրիստոնեականության հիմքն է⁵⁰: Այս ուսմունքի համաձայն, գոյություն ունեցող իրերի երկմիասնությունը չի սպառվում նրաբց կեցությամբ և սահմանափակիչ էությամբ: Իսկ էությունն իր հերթին դիտվում է որպես «մարերիայի» և «ձևի» երկմիասնություն: Էության համեմատությամբ «մարերիան» և «ձևը» համարժեք են «հնարավորությանը» և «իրականությանը»: Այսպես՝ մարերիա (նյութ) ասելով ենթադրվում է ներգոր (սպորենցիալ) էությունը, իսկ «ձև» ասելով՝ առկա (ակտուալ), իրողություն դարձած էությունը⁵¹: Առաջինը կրավորական բնույթ ունի, երկրորդը՝ գործուն: Միևնույն ժամանակ նեոթոմիստները զգուշացնում են, որ «ձևի» և «մարերիայի» սուրբառնցիմաստ ըմբռնումները սխալ են:

Նեոթոմիստական մեթաֆիզիկայում կարևոր տեղ է զբաղեցնում «կեցության համանմանության» կամ «գոյավորի համանմանության» (analogia entis) ուսմունքը: Աստված գոյությունը մարդը կարող է միայն բացահայտել Արարչի կողմից արարված իրերի աշխարհը, բնական օրինաչափությունները ճանաչելու միջոցով: Եթե մասնավոր գիտությունն ուսումնասիրում է այս կամ այն բնագավառը, ապա մեթաֆիզիկան, հիմնվելով գիտության հայտնաբերած փաստերի և օրինաչափությունների վրա՝ փորձում է ապացուցել Բացարձակ Կեցության գոյությունը: Աստվածիմացությունը հատուկ տեսակի ճանաչողություն է՝ ոչ թե աղեկվապա ճանաչողություն, այլ ճանաչողություն ըստ համանմանության (անալոգիայի): Կեցությունները քարքեր են լինում. վերջավոր կեցությունը նույնական չէ անվերջին: Երբ որևէ իրի մասին ասում ենք՝ «այն կա», ապա դա նույնը չէ, ինչ մենք նկատի ունենք՝ պնդե-

48 Տե՛ս J. Owens, St. Thomas and the Future of Metaphysics, Milwaukee, 1957, չջ 34:

49 Տե՛ս Փ. Չ. Кополстон, նշվ. աշխ., էջ 105:

50 Տե՛ս Ք. Радев, նշվ. աշխ., էջ 312:

51 Տե՛ս П. Тиллих, Систематическое Богословие, Санкт-Петербург, 1998, էջ 58:

լով, որ «Աստված կա»: Այն ամենի մասին, ինչ վերաբերում է Աստծու կեցությանը, մենք կարող ենք դարել միայն ճանաչելով նյութական աշխարհը և համանմանության մեթոդը կիրառելով: Բացարձակ Կեցության և գոյություն ունեցող իրերի միջև կա անհրաժեշտ ընդհանրություն, քանի որ նյութական աշխարհին իր ողջ բազմազանությամբ արարվել է Աստծո կողմից: Բայց Աստծո մասին ձեռք բերված մարդկային գիտելիքները ուղղակի և համարժեք (*conceptus proprius*) չեն, այլ միշտ մնում են համանմանական, սահմանփակ⁵²: Աստվածային կեցությունը չենք կարող լիովին ճանաչել, միայն կարող ենք հիմնավորել Աստծո գոյությունը՝ դիտարկելով արարված աշխարհը և հայտնաբերելով բացարձակ Մտքի «հեղեղները» իրերի աշխարհում:

Ըստ նեոթոմիստների փիլեգերաբանությունը մեկաֆիզիկական ինքնարկա ուղեցույց է, քանզի իրերի աշխարհի որոշարկումները ենթադրում են կեցության և սուբստանցիայի բնույթը: Երկերային է արարչագործման (կրեացիոնիզմ) սկզբունքը: Արարչագործությունը հասկացվում է ոչ թե որպես ձևավորում, կազմավորում, այլ որպես «արարում (սրելոծում) ոչնչից»⁵³: Դեռևս Թոմաս Աքվինացին նշում էր, որ «նախանյութը» Աստծո կողմից արարված կրավորական նախահիմքն է, ուստի «լինել» նշանակում է լինել արարված, կեցություն ստացած: Աշխարհի արարման հետ է կապվում նաև ժամանակի հիմնահարցը. ժամանակը, ինչպես և գոյության յուրաքանչյուր ձև, արարվել է Աստծու կողմից, որը ժամանակից դուրս է, անփոփոխ ու հավերժական⁵⁴: Արարված աշխարհը Աստծու լավագույն սրելոծագործությունն է, որը ժամանակի և տարածության մեջ սահմանփակ է: Բացարձակ Կեցությունը ոչ միայն արարել է աշխարհը, այլ նաև «ներդաշնակություն» և «կարգավորվածություն» է հաղորդել իր սրելոծագործությանը⁵⁵:

Վերոհիշյալ հիմնախնդիրների վերաբերյալ իր փեսակերպերն է արտահայտել Շահան Պերպերյանը: Վերջինս «մեկաֆիզիկայի» փոխարեն օգտագործում է «բնագանցություն» եզրույթը: Իր «Բնագանցություն» աշխարհության մեջ նա գրում է. «...բնագանցությունն անդրանցնում է վերջավոր իրերի աշխարհը և իր ուսումնասիրության առարկան դարձնում բուն իսկ էությունը»⁵⁶: Շահան Պերպերյանը նշում է, որ դեռևս Արիստոտելը բնագանցությունը սահմանել է որպես «առաջին պարզառենի և վերջին նպարակների գիտություն»:

Բնագանցությունը կարելի է անվանել նաև ընդհանուր իմաստասիրություն՝ այն զարդոցելու մասնավոր իմաստասիրական համակարգերից: Բնագանցության համակարգում իր ուրույն րեղն է զբաղեցնում իմացության արժեքման խնդիրը: Ըստ Շահան Պերպերյանի բնագանցությունն ուղղակիորեն կապված է ճանաչողության արժեքման խնդրի հետ, քանզի մեկաֆիզիկայի ողջ համակարգը կառուցվում է՝ հիմնվելով վստահելի, ճշմարիտ ճանաչողության վրա: Աստծո գոյության խնդիրը բոլոր ժամանակներում եղել է փիլիսոփայական հիմնահարցերի զագաթնակերպ: Նախապես գիտական ճանաչողության և ապա առավել խորաթափանց կոսմոլոգիայի (փիլեգերաբանության) միջոցով հանգում ենք

52 «История философии», Москва, 1965, с. 187-190.

53 Б. Л. Губман, Современная католическая философия, Москва, 1988, с. 16.

54 Стэн А. Ф. Лосев, Бытие-имя-космос, Москва, 1993, էջ 65-68:

55 Стэн F. Ferre, Basic modern philosophy of Religion, New York, 1967, էջ 27:

56 Շահան Պերպերյան, Բնագանցություն, էջ 7:

աշխարհը սրելով, բայց անսրելով Աստծո գաղափարին⁵⁷: «Բնագանցություն» աշխարհայության մեջ հարկապես հերաքրքիր է վախճանաբանական հարցերը քննարկող հարվածը: Շահան Պերպերյանը վախճան բառի երկու իմաստ է առանձնացնում՝ «նպարակ» և «վերջ, ավարտ», ըստ այդմ վախճանաբանությունը բաժանում է երկու բաժնի: Վախճանաբանությունը (նպարակ իմաստով) աշխարհում հայտնաբերում է համընդհանուր նպարակայնություն, քանզի բոլոր իրերն ու երևույթները իրենց գոյությամբ ձգվում են ինչ-որ որոշակի նպարակի: Եւ մենք վերջ ի վերջո հանգում ենք նպարակադիր բացարձակ Մ'րքի գաղափարին: Վախճանաբանությունը (ավարտ, վերջ) իմաստով ունի քննարկման երկու բնագավառ: Շահան Պերպերյանը նշում է, որ նախապես պետք է քննարկել յուրաքանչյուր էակի վախճանի խնդիրը և փորձել պարզել՝ մարմնական մահը գոյության ավարտն է, թե ոչ: Ահա այսպես է ծագում «հոգու անմահության» հիմնախնդիրը⁵⁸: Իսկ ամենավերջում պետք է քննել ողջ փիեզերքի գոյության ավարտի հիմնահարցը: Ըստ Շահան Պերպերյանի իմաստասիրությունը մարդկային մարքի գերագույն ճիգն է, որը փորձում է հասնել այս խնդիրների բացահայտմանն ու պարզաբանմանը: Շահան Պերպերյանի փեսակերպները խորաթափանց են և հիմնավորված, իսկ նրա «Բնագանցություն» աշխարհությունը փիլիսոփայական փայտուն մարքի դրսևորման արգասիք է:

Նեոթոմիզմը վճռական հակահարված հասցրեց աթեիզմին, պրագմատիզմին, սկեպտիցիզմին և նորագույն փիլիսոփայական համակարգերին՝ ամրապնդելով քրիստոնեության արդը և հիմնավորելով քրիստոնեական դավանաբանությունը, չնայած ուներ որոշակի թերություններ, ինչպես և ցանկացած փիլիսոփայական ուղղություն:

57 Տե՛ս անդ, էջ 8-10:

58 Տե՛ս անդ, էջ 10-12: